

王國良
壽鵬飛 編著

長城研究資料兩種

（「中國長城沿革攷」「歷代長城攷」）

明文書局印行

王國良
壽鵬飛 編著

長城研究資料兩種

(中國長城沿革攷、歷代長城攷)

明文書局印行

歷
代
長
城
攷

063

長城研究資料兩種

(中國長城沿革、歷代長城攷)

定價：平裝新台幣六〇元

出版者：明文書局股份有限公司

發行人：李

潤

海

發行所：明文書局股份有限公司

台北市重慶南路二段21號11樓之5

電話：三九五三三九六・三四一九八〇五

郵撥：一四三六七八號

行政院新聞局局版台字一九九三號
中華民國七十一年十月初版

版權所有
翻印必究

一、周時之長城	一上
二、秦時之長城	五下
三、漢代之長城	八下
四、北魏北齊及隋代之長城	十二上
五、唐宋及元胡時之長城	十四下
六、女真金代之長城	十五下
七、明清時代之長城	十七下
八、長城內之重城	廿二上
九、遼東之長城	廿三下
十、長城東西起訖地點	廿六上
十一、辨論	廿七上

得天廬存稿之二

紹興壽鵬飛撰

歷代長城攷

言長城者其書夥矣。然大抵推重秦城。且謬以北齊北魏之築爲秦城。而於漢代漢北女真漢南兩大長城。工事之鉅。遠過秦城者。多不及詳焉。茲特述之。并其他長城之始末。

周時之長城

詩出車篇。王命南仲。城彼朔方。朔方之有長城。蓋始於此。以禦獫狁。其地。顧亭林郡國利病書以爲在今河套。即秦漢朔方郡境也。逮後春秋時。齊有長城。管子輕重篇。長城之陽。魯也。陰。齊也。左襄十八年。諸侯同伐齊。齊

侯禦諸平陰。塹防門而守之。防門。齊長城門也。方輿紀
要以爲在平陰西二十五里。史記趙世家。成侯十七年。
侵齊。至長城。史記正義。齊長城西頭在平陰縣。太山記。
太山西北有長城。緣河。經太山千餘里。至琅琊入海。括
地志。齊長城西北起平陰縣。沿河。歷太山北岡。東至密
州琅琊臺入海。按此城蓋築自桓公。國語。桓公築葵丘。
茲晏負夏頓。釜丘以禦戎狄。築五鹿中牟。蓋與牡丘以
衛諸夏。長城之築。蓋當其時。

次則楚長城。盛弘之荊州記。葉縣東北有故城。始犍縣。
東至瀾水。達泚陽。南北數百里。號爲方城。漢書地理志。
水經注亦均載之。按此方城。與左氏傳楚國方城以爲

城方城爲山名者異地。

又次爲魏長城。竹書記年。周顯王十年。魏龍賈帥師築

長城於西邊。又史記魏世家。惠王十九年。即周顯王十年。築長

城塞固陽。正義。自鄭濱。今陝西華縣地。周初封邑也。洛北。今陝西

地。達銀州。在陝西米脂縣西北。至勝州。今陝西神木府谷等縣地。固陽。在河套

拉持爲塞也。固陽有連山。東至黃河西。句南至夏。今寧夏省

東會縣地。寧等州。按史記此云築長城。又云塞固陽。城

與塞分別言之。是城與塞爲兩事。勿可混也。城以界秦

南北之城也。故竹書城年曰築於西邊。西邊者。正義曰。

魏向有鄜州。上郡之地。知此城在上郡之西。今陝西綏德州鄜州

均。有古長城。秦國策。蘇秦謂魏王曰。魏西有長城之界

是也。塞以限匈奴。東西之城也。故正義曰。固陽有連山。

東至黃河西。所謂連山。即陰山山脈。黃河指河套也。河

套之西爲賀蘭山脈。

在寧夏省東境

北行繞河套之北而東。爲

陰山山脈。今綏遠省卓資山是也。河套之北。今爲固陽

縣地。縣仍古名也。秦漢時稱陽塞。即此地矣。魏築此

塞。因連山之形勢。自上郡長城之北端。又北拓而東展。

以防北虜者也。於此有應注意者。凡史漢書例。在內地

者稱城。在北陲者稱塞。觀於正義所云。至勝州固陽而

爲塞。厥意甚明。而其建築則無異也。而魏又有南長城

與楚界。後漢書郡國志河南郡下云。卷有長城。經武陽。

到密水。經注亦載之。在今河南西部。顧亭林曰。知錄以

爲韓長城也。

又次爲燕長城。史記匈奴傳：燕築長城，自造陽至襄平。

以拒胡。

造陽今察哈爾省懷來縣地。光緒畿輔志則以爲即今張家口。襄平在今遼寧省遼陽縣西北。

秦漢時遼東郡治也。

按爾時燕境自秦開擊破林胡，拓地至今察

哈爾省東部，置上谷郡。又北拓地，奄有今熱河省南部。

置遼西郡。又東拓地，至今遼寧省，置遼東郡。

均見史記匈奴傳。

是其所築，必在三郡北境，以長城爲其國界，蓋無疑義。

此城所經，當爲西起今張家口，東北行經張北、多倫、獨

石。

清時稱口北三廳。

等境。又東入今熱河省境之圍場、承德、朝

陽等縣。又東越盤巫閭山脈而度遼河，以達遼陽。据近

人林傳甲《察哈爾鄉土志》所舉，在張北、多倫均有遺址。

迄今尚可按也。

後見

但其後又有東展。史記朝鮮傳。燕人

衛滿嘗略屬真番朝鮮。為置吏築鄣塞。是燕時長城已

及朝鮮。為秦時長城直達朝鮮之所因。

後見

而燕復有南

長城與趙界。史記燕世家。燕長城以北。易水以南。可知

城在燕南。戰國燕策。張儀謂燕王曰。秦下甲雲中。驅趙

而攻燕。則易水長城非大王有者是也。今攷此城。水經

南易水注云。易水東屈關門城西南。即燕之長城門也。

又東屈燕長城南。又東屈逕長城西。武隧縣南。

舊安肅縣地。今

改名徐水。秦漢時武隧縣也。

俗又謂為武隧津。津北對長城門。据此

知是城。蓋沿南易水而築。爾時燕趙蓋以南易水為國

界。亦即以此城為國界也。方輿紀要稱是城為黑盧堤。

即就城址爲堤。以障水耳。光緒畿輔志。則徑稱長城堤。謂西起安肅。至安州新安。順雹河。即南易水而下。然此城實西起易州。不自安肅。乾隆易水志。長城外自安肅境。接入德山社孤山邨。西順唐河。亦南易支折北至曲城邨。而西至孔山社唐湖邨。西去武莊社柳泉邨。北達牛金口。蜿蜒西北入山。所云入山五迴山也。是城西端。蓋與中山長城接。中山長城見後今五迴嶺西有黃土嶺城。爲易縣涿源。舊廣昌縣兩縣分界。即是城最西終點。是在安肅以西尚百餘里。而其東端亦不止新安。林傳甲河北省鄉土志以爲直達任邱文安諸縣。直與南易水相終始。在趙宋時。因之以與遼金爲界城。今悉存遺址。可按也。

又次則爲趙長城。趙長城有三。一在趙東南境。史記趙

世家。肅侯十七年。築長城。又武靈王謂樓緩曰。我先王

因世之變。以長南藩。屬阻漳滏之險。立長城。顧亭林曰

知錄。以爲此城在漳水之北。今河北磁縣及河南臨漳

縣間。皆有遺址。一在趙北境。史記匈奴傳。武靈王北破

林胡樓煩。築長城。自代今山西大同朔平並陰山至高闕。在

套西北今綏遠省鄂爾多斯旗地有兩山對峙如闕也。其下有城。爲塞。正義引虞氏說。

趙武侯自五原在河套北今烏拉特旗地。河曲與山西河曲縣異地。

築長城。東至陰山是也。一在趙中部。史記正義。趙長城

從蔚州今察哈爾省蔚縣西北至嵐州今山西嵐縣。畿輔志以此城

爲即今宣府南邊故址。今存東自蔚縣蜚狐口。南至涑

源西折逕靈邱渾源諸縣。又西歷平刑亦作瓶形北樓寧武

雁門偏頭諸關。以至河曲。山西河曲縣之長城是其遺址。經

元魏及明代重築。稱爲內邊長城。其西端岢嵐一段。即

今嵐縣長城山也。但今自偏關迤西。至老營堡。又西南

至保德州黃河崖。亦有長城。或明代所延築耳。

又次爲中山長城。史記趙世家。趙成侯八年。中山築長

城。戰國時。中山建國。當恆岳中部。漢爲中山郡。今河北

定府屬地此城蓋北起秦嶺山。逕長城嶺。方輿紀要長城嶺在慶雲縣西南四

十里縱貫恆山。並太行而南下。凡龍泉倒馬井陘娘子固

關皆屬之。方輿紀要以爲至贊皇縣後溝口始竟。然不

止此。而南達邢臺縣黃澤關宋陳口。亦見方輿紀要邢臺篇又南

至明水嶺大嶺口而止。見光緒畿輔志昔以此爲直隸山西兩

省界城。是爲南北縱貫之長城。其秦嶺山以北。則有趙之蔚嵐城。橫其西。燕之南長城。橫其東。各以奠其國界也。

秦時之長城

秦築長城。始於昭王時。史記匈奴傳。昭王伐殘義渠。在

寧夏省東南境即周公劉邢邑地於是秦有隴西北地上郡。築長城以

拒胡。蓋前此秦未與胡接壤。今旣得三郡。必先固邊圉。然後可進爭中原。上郡本魏地。魏前已築固陽塞。昭王所築。是否東仍魏城。已不可知。但固陽遠在陰山。其時趙亦有並陰山長城之築。似魏之上郡。雖入於秦。而北

徵固陽。或入於趙。若然。則上郡秦城。必當南縮。不循魏塞矣。然則城當何在。按史記衛青傳。有榆谿舊塞。漢稱舊塞。蓋以別於蒙恬城之新塞。榆谿云者。當即今陝北之榆林鎮。秦時上郡治綏州。今陝西綏德縣。榆林地當其北。昭王所築。或即在此。爲明代陝北邊牆始基。至北地設郡。在上郡西。爾時秦未收河南地。所築當不出靈朔寧固間。漢書所稱河南塞。即是城矣。稱河南塞者。別於河套北之蒙恬城。若隴西秦郡。設治鞏昌。其西百里。即爲臨洮。昭王所築。是否已至臨洮。雖不可知。然亦後代陝甘長城張本。後人每謂今存長城。悉出秦築。實則止此。且亦秦昭所創。而非出於始皇也。此其一。史記蒙恬傳。始皇二十六年。使蒙

恬將三十萬衆北逐匈奴收河南地即河套爲禹貢此

通山析爲二枝秦收是地置朔方郡謂之新秦中築長城因地形用險制塞起

臨洮今甘肅岷縣至遼東延袤萬餘里於是度河據陽山索隱

陽山在河南北逶迤而北又匈奴傳始皇使蒙恬北擊匈

奴悉收河南地因河爲塞築四十四縣城臨河徒適戍

充之因邊山險塹谿谷可繕者治之起臨洮至遼東萬

餘里又度河據陽山北假中索隱北假在陽山北夫曰因河爲塞

曰度河據陽山北假又曰逶迤而北是始皇之城遠在

河套極北且又度河而北矣此其二於此有宜注意者

昭王所築在未收河套以前故北至上郡而止即趙武

靈所築亦僅沿陰山山脈北至高闕而已始皇所築臨